


揭曼碩詩集

一

據中國國家圖書館藏元至
元六年日新堂刻本影印原
書版框高二十·七釐米寬
十三·三釐米



揭曼碩詩目錄

至元庚辰季春日新堂印行

卷之一

臨川女

夏五月武昌舟中觸目

張君壽先生鵠山隱居

送趙履道虞州常還江右

寄題九江義門陳氏壽安堂

正月十二日尋廬學士船至漢口留詩為

別

黃尊師高軒觀鷺因留宿

衡山縣曉渡

題王山仲所藏瀟湘八景圖卷走筆作八

以事暫如武昌發臨川

女兒浦歌

送尹十六善叟謁告歸茶陵會整贖兄處

士十韻

送黃五舅得武陵校官還辰州寓居省侍

貧交行

曉坐張先生朝陽軒



別武昌

南康夜泊聞廬阜鐘聲

春日雜言七首

夢兩雖

夢武昌

遊麻姑山五首

廬學士奉旨南祀海嶽繇鍾陵相別聞

尚留會稽有懷奉寄

病夜

得程翰林揚州消息

歸故園新居落成後作

山行

寄題馮掾東臯園亭

宿梁安峽夢故室有感時還盱江

送趙仲遠赴甌寧

山莊晚立有懷舍姪沆督穫臨川

笑王十良仲

雨迹三篇

春莫間居寄城西程漢翁十五韻

長風沙夜泊

何郎失鏡詞

贈青城侯尊師次人韻

贈友

曉出順承門有懷太虛

京城閑居雜言八首

去婦詞

四友詩

賦雙陸

泊安慶時再北游

漁父

高郵城

濟州初度

揚柳青謠

雜詩四首寄蘆通復

栢堂詩

卷之二

詩

獻張平章

題沈道士龍潭山先天觀圖

二真詩

史館獨坐

周待制致樂堂詩

馬氏巖溪圖

山水圖

送道士薛玄卿歸江東

大明殿退朝和周待制

祖生詩

孤雌行為鄆城節婦作

燕氏救兄詩

送華尊師以天壽節奉詔祀武當

送馬雍古御史撫喻河西

送周山人之遼東

李宮人琵琶引

題上都崇真宮陳真人屋壁李學士所畫

墨竹走筆作

集賢大學士趙國公王開府慶八十應

制

陵陽年景陽以名祖父之子孫負竒材勁

氣而與世抹撥自台州教授入掾翰林

一語不合竟棄去不顧以詩為別

結羊腸詞

劉承旨父大司徒邢國公慶九十應制
小孤山次韻

贈別曾編脩歸廬陵墓學士兄

寄題臨川西澗范氏寓居

尋舍弟將至東牢宿野店

贈王郎

沈逸人東觀招飲山館

畫鴨

題聶氏陶軒

送涂雲章訪舊武昌卻入京師

歸舟

小孤山曉發和蔡思敬韻

大信晚泊呈舟中諸公

白楊河看月

歌風臺和李提舉韻

題嚴陵獨釣圖

題馮鼎食瓜圖

信州僊源觀徐尊師乃玄教大宗師張

開府之弟子也

送蔡思敬還豫章有懷遼陽李提舉

孔林圖詩

壽樂山詩一首為真人吳公生朝作壽

山其里山名

壽王副樞

李將軍歌一首送李天民赴邵武軍口

檢

題柝源圖

送人歸豫章

送王留守宣慰荆湖

題張尊師畫

目錄

六

送播州楊宣慰歸藩

寄題括蒼王氏東野二亭

畊雨 心遠

寒夜作

送唐尊師祠武當

送詹尊師歸廬山

贈溥真子

孤松篇壽王大學士

過何得之故居五首

送譚仲章歸長沙

我我亭詩

送鄭司獄歸衢州却赴調京師

題山水

題御馬圖

題山暉圖為劉尊師作

題臨江同知閻流民事蹟

寄題朱氏真村堂

送人從軍

題淵明歸去來圖

卷之三

目

七

詩

題明皇出遊圖應制

詩卷

白翎雀

寄題胡氏園趣亭

題文瑞圖

題南頓孔氏復明詩卷

奉同柯博士甘內掾下直賦

賦得海上雲送良上人歸徑山

吳子高悼亡歸岳陽

秋夜作

進士張于高得邛州判歸成都

題陶淵明歸興圖

寄題傳尊師兄弟所作寧壽道院

二月朔日雪中題歐陽少監所藏宋好古

畫竹

雲錦溪棹歌七首

目錄

八

御書雪林二字賜趙中丞應制

題胡虔汲水蕃部圖應制

題辛澄蓮華觀音像應制

杜節婦詩

題內府畫四首應制

韓混土星侯曹將軍下槽馬圖

韓幹馬宋徽宗成平殿曲宴蔡京圖

送秘書李道濟赴興州幕

奉送令平章赴江西

題青山白雲圖

桃華鸚鵡

趙孝子

入秦淮和曾脩

送陰陽蕭教授赴瀏陽

賦得春鴈送張郎中省覲揚州

送聶太祝赴潮州錄事

題俞氏看雨軒

題江道士清虛館

賦得吳歌送人歸吳中

目錄終



揭曼碩詩集卷之一



門生前進士癸理溥化校錄

臨川女

我本朱氏女住在臨川城家世事趙氏業惟食農
耕五歲父乃死天復令我盲莫知朝與昏所餘母
與兄母兄日困窮何以資我身一朝聞密言與盲
出東門阿母送我出阿兄抱我行不見所向途但
聞風雨聲行行五里餘忽有呼兄名兄乃棄我起
客前撫我言我與趙世親復與汝居鄰聞汝即赴
死扶服到河濱我身盡沾濡不復知我身汝但與

我歸養汝不記年浚浚遵旋路咽咽還入城城中
盡驚問戚促不能言望門喚易衣恐我身致患再
呼我母來汝勿憂飢寒汝但與盲居保汝母女全
我母為之泣我鄰為之歎喜我生來歸疑我能再
明况得與母居不異吾父存我今已十三溫飽兩
無營我母幸康彊不知兄何行我母本慈愛我兄
亦艱勤所驅病與貧遂使移中情當日不知死今
日豈料生我死何足憾我生何足榮所恨天地生
不如主翁仁誰能為此德婁公名起華

夏五月武昌舟中觸目

兩髯背立鳴雙擗短策開合滄江兩青山如龍入
雲去白髮何人並沙語船頭放歌船尾和蓬上雨
鳴篷下坐推蓬不省是何鄉但見雙雙白鷗過

張君壽先生鵠山隱居

當日自期顏杲卿莫年羞見魯諸生膝兼多病終
難屈身為長愁視轉輕日晏典衣留客醉雨餘開
戶看見耕淮雲楚樹晴如掃卧送年年江水聲

送趙履道虞叔常還江右

趙子我同里虞郎我同年手折武昌柳送上西江
船買魚沽酒燒荻鞭夜下西塞寒山前西塞山碧

詩一

二

如苔君今去幾時來東風花開春水漲待君黃鸝
攬頭望君庾公樓上

寄題九江義門陳氏壽安堂

匡廬之陰彭蠡涯七百餘載真良家宋謝書表其
門曰真良家

冲和鬱勃吹不散飛落南山萱草花往時冠蓋如

流水撞鐘鼎食三萬指詔書十度復租庸每歲朝

廷仍貸米父慈子孝則四方紀淨網明照閭里蓬

萊水淺昆明空天開地闢元氣通張公百忍澤未

竭王母千年桃始紅南山築堂三百步翠竹屯雲

森玉樹忠厚必有神明扶淳樸自是期頤具方瞳

綠鬢紅鬢解春酒搖蕩香扶踈公侯子孫始必復
日為大夫人起居

正月十二日尋廬學士船至漢口留詩為別
晴江濔微瀾曳雲在曾歡參差連舫出散漫羣
鷗遠始知遵漢廣送睇高旆卷懷賢每忘賤臨流
亦忘蹇蒼茫景將入窈眇春猶淺新知遽相違餘
惘何由展

黃尊師高軒觀鷺因留宿

開軒南嶽下世事未曾聞落葉常疑雨方池半是
雲偶尋騎鶴侶來此看鶴羣一夜潺湲裏秋光得

細分

衡山縣曉渡

古縣依江次輕輿落岸隈鳥銜行客過山向野船
開近嶽皆雲氣中流忽雨來何時還到此明月照
沿洄

題王山仲所藏瀟湘八景圖卷走筆作

瀟湘夜雨

淅淅暗江樹荒荒楚天路穩繫渡頭船莫放流下
去

遠浦帆歸

冥冥何處來小樓江上開長恨風帆色日日誤郎

煙寺晚鐘

朝送山僧去莫喚山僧歸相喚復相送山露濕人衣

洞庭秋月

潁氣自澄穆碧波還蕩漾應有凌風人吹笛君山上

平沙落鴈

天寒關塞遠水落洲渚闊已逐夕陽低還向黃蘆

漫

漁村晚照

定從海底出且向平沙照漁網未全收漁舟還下釣

山市晴嵐

近樹叢差出行人取次多板橋雙路口此世幾迴過

江天暮雪

孤舟三日住不見有人家昏昏竹籬處卻恐是梅

以事輒如武昌發臨川

江轉欲無路山迴忽似圍客程秋共遠物色晚多
疑稍稍沙鷗集忽忽野對稀武昌今夜夢定有故
人知

女兒浦歌

女兒浦前湖水流女兒浦前過湖舟湖中日日多
風浪湖邊人人還白頭
大孤山前女兒灣大孤山下浪如山山前日日風
和雨山下舟船自往還

送尹十六善叟謁告歸茶陵會葬贖兄處士

十韻

八歲穎賢兄未埋猶望生旋聞日下墓敢戀世間
榮得告如無及嚴期况有程意長看路短義重覺
身輕鄉對迎船出江雲入莫橫望山占驛堠聽鴈
作城更但使能臨穴猶堪略尉情死生今古異去
住別離并尚足疇知己非貪美俗評忽忽不可盡
迴首各沾纓

送黃五舅得武陵校官還辰州寓居省侍

寧上山頭種禾黍莫向他鄉作羈旅山田得雨尚
有年他鄉顛顛何人憐一身千里家何在全家夏

在沅湘外獨對雞鳴楓葉飛荒村鴈沒蘆花碎親
在窮邊望子還子在長途衣復單居無寸田出無
僕明年作諸官當食祿

貧交行

驅車涉廣川揚帆陟崇丘結交四海內中道多愆
尤朔風厲苦節獨鶴橫九州朝拂三岳樹夕過五
城樓兩翅偶寒影曠然何所求登高臨大江日莫
萬里添時我疏鑿八年忘外留出必益稷俱歸
與變龍儔進退兩不疑功成垂千秋萬事日相攸
恩情若雲浮吾心苟不渝反覆安足仇自非天地
外何能獨忘憂

卷

少

曉望張先生朝陽軒

朝日照高樹幽人方啓關蕭索塵外事風葉滿窻
間

別武昌

欲歸常恨遲將行反愁遽殘年念骨肉久客多親
故佇立望江波江波正東注

南康夜泊聞蘆阜鐘聲

廬山三百寺何處扣僧雲宿鳥月中起歸人湖上
聞入空應更迥近瀑正難多遙想諸僧定香爐上

夕薰

春日雜言七首

日月朝朝新何物能獨久常恐天與地變化留已
朽東風闖然來茫茫浩無首起視桃李對暎豔一
非舊如何揚子雲泯默空自守

朝出城西門孤墳何處隆雄狐竄其西脩蛇出其
東云昔有狂士七尺才且雄平生無所賴屠狗涉
春冬一朝際風塵身貴位益崇死生好惡間咄嗟
生秋風氣驕日憑陵家國兩蒿蓬子孫分散盡空
有牛羊蹤

幕廳楊柳枝蒙茸春草齊天天誰家婦采桑臨路
岐零露沾其裳蛛絲卷其衣對高身苦弱蠶飢行
復遲辛苦事姑嫜宿昔減容輝見者皆歎息此心
知獨誰良人日暮至醉問爾何為

啁啁田間雀啄啄常不給春水日已深細羅復相
及既無養生具日夕湯火急多謝雲間禽無為自
羈繫

祝融九千丈瀟湘地底流洶湧洞庭野崩騰江漢
秋上有飛仙入身披紫雲裘昔者嘗相遇緲若乘
丹立同歌黃鶴渚共醉兵陽樓思之忽不見獨立

悵悠悠

我有琅玕草欲贈江東客出門道路長卷袂空歎
息靈苗世所尚良士余所惜神仙無千年耿耿誰
復識

五歲能讀書十歲能賦詩十五事遠遊三十無所
為既乖俯仰責復為鄰里欺生計日已蹙世態多
瑕疵煌煌金張門徒隸皆光輝日晏賓客集軒車
如風馳一啖擲千金片言委黃泥齊生獨抱瑟來
往何逶迤

夢兩錐

阿英十二能辟纁阿牛五歲貪讀書辟纁成縷無
人織讀書有志令人惜汝父飄零汝母休吾親雖
健俱白頭雨聲斷道風驚屋阿婆獨抱諸孫尖

夢武昌

黃鶴樓前鸚鵡洲夢中渾似昔時遊蒼山斜入三
湘路落日平鋪七澤流鼓角沉雄遙動地帆檣高
下亂維舟故人雖在多分散獨向南池看白鷗

遊麻姑山五首 并序

湖北憲使程公間居盱上二年矣五月二十日
詔拜翰林學士又十日公與使者及諸客同遊麻

姑山輒以覽歷所止賦詩五首

雲關

君子荷初服恩至若無榮穆穆芳雨散悠悠蒼山
行危關擁霧黑飛術緣雲青苔蘚滑如積杉松宵
冥冥時逢負苓翁忽聞流水聲舉足向益高矯然
欲遐征徒隸各忘倦矧彼高人情

飛練亭

神工擲天紳挂之兩崖間萬古翰不盡誰能測其
端勢割山石愁氣挾草木寒安得天風吹繫彼日
月還麻姑綠雲髮黝黝長不殘

湧雪亭

泉源出地底仰向雲中行摩崖湧千丈亂石皆騰
擢風霆日夜急雨雪虛空明不有神物扶茲山應
久傾噴薄側飛鳥砢鉤愁百靈仙家信為好喧聒
何由平

三峽橋

兩山東飛橋下壑不測淵誰關萬尋鐵逗此無窮
泉淙淙輒空曲洶洶投奔川陽光下照之忽作龍
騰天常恐桑田變中有瞿唐船

麻姑壇

嗟峨仙都觀，遙望丹霞天。後有千歲松，前有百頃田。風日夏颯颯，烟雲晝苾苾。羣英一時集，安知非列仙。持觴起相勸，羅琴抗高言。天道信悠邈，人情何拘擊。靈君不可致，落景詎少延。仰雖慙冥冥，俯實憂元元。主人願坐客，此中可忘年。

盧學士奉 旨南祀海嶽，絲鍾陵相別聞尚

宿留會稽有懷奉寄

鍾陵一分手，幾日過錢唐。五月山陰路，千峰海上涼。烟霞含景氣，草木識天香。夙昔經行處，風深轉不忘。

病夜

素壁深窻，獨客身。桃枝薑腩，只為鄰。極慙供給煩。賢友尚恐傳聞，及老親。黃鸞戒寒，相應起。燭花連夜為誰新。多情造物真豪縱，盡力相驅病與貧。

得程翰林揚州消息

皇明屬休期，側席佇貞良。游麟既集藪，鳴鳳亦在岡。君子乘時興，出鱗何輝光。車馬塞江介，笳鼓凝羽觴。時秋風雨交，四顧野茫茫。晨鉦激中流，飛旆忽異方。蓄思遵旋軌，浮雲紉北翔。道路間邦畿，草木隕寒霜。晷景倏易流，悲來但惘惘。若懷經綸憂。

余負災疾妨騫沉固異趣情誼結中腸居下衆所
夷在賤誰不忘宛緬廣陵翰胡獨置我傷鬱悒增
愁思投袂睇莽蒼自顧匪茅茹委跡任空墻淵淵
賢達心恨恨情內傷

歸故園新居落成後作

親老身仍苦家貧歲更凶掄材斤斧後發地草萊
中面勢看前跡歡呼集衆功聊存今日意敢望昔
時同

漂轉何多歲艱難且定居隣人供菜菓擇子進詩
書稍覺牛羊遠無知蔓草除此園三百載亦復返

吾初

山行

稍出羣山復沙溪溪光山色吟相輝青碧獨與溪
邊石不顧行人自濯衣

寄頭馮掾東臯園亭

時雨散繁綠緒風滿平原興言慕君子退食在丘
園出應當世務入詠幽人言池流澹無聲畦蔬蔚
蔥羊高林麗陽景羣山若浮烟好鳥應嗚新音
和且闕時與文士俱消採農圃春理達自知簡情
忘可避宣庶云保貞和歲暮委周旋

宿梁安峽夢故室有感時還盱江

梁安峽裏杜鵑啼絕壁蒼蒼北斗低雲氣倒連山
影合石棧斜闔浪聲齊南風盡日迎歸客落月空
江夢故裏一室十人小數郡百年幾處候晨雞

送趙仲遠赴甌寧

仍為公尹去如送武夷仙舊政閩人說新詩海客
傳度關風撤暑下瀨月依船不棄循良意因知幕
府賢

山莊晚立有懷舍姪沉皆獲臨川

藪藪黃乘葉蒼蒼白竹峯居人爭野碓歸客背村

卷一

十一

鐘路暗綠溪濕山寒着霧濃阿咸收稻未辛苦關
相從

笑王十良仲

深谷可為陵大海可為田唯有死者窮無由覩青
天千古黃壤間萬古黃泉下精神與時息形質隨
日化日落朝復生月缺望已盈不知死者別何時
見形聲悲哉復悲哉已矣復已矣我友初五人今
焉忽成四死者不復見生者長別離人生如春花
美好知幾何欲為生者歡湏念死者苦死生日相
尋歡樂如薰土

雨述三篇

江南鴈月天未雪居者單衣行苦熱連山郡邑瘴
盡行豈獨領南與閩越逋民穰穰度閩山十人不
見一人還明知地惡夫未已可憐生死相追攀
近聞閩中瘴大作不聞村原與城郭全家十口一
朝空忍飢種稻無人獲共言海上列城好地冷風
清若蓬島不見前年東海頭一夜潮來跡如掃
冬來一晴四十日三日南風當有雪六知閩領今
何如念我故人書斷絕劍南判官心所親甌寧大
夫政有神鷹儒多事浪憂喜安得貽書兩故人

寺

十一

春莫間居寄城西程漢翁十五韻

迢迢曾城阿峩峩鳳皇山下有隱淪士能為淮漢
言兩日一寓音五日一承顏每談經濟事恒及離
亂間言辭多恍惚文字少凋殘不歎東逝川但憶
南山田寧與無心遊不受衆目憐褰衣必峻嶮散
步亦名園舒卷信在襟蕭索固所安經春僮疾痲
撫時增懦孱羸書亂藥裏高卧掩荆關蹇余屬久
要朝誦常暮還醜劣愧高情焉知君所觀日出衆
鳥語蒼岑滿橫端申章寫深誼誦薄何由宣

長風沙夜泊

長風沙風沙不斷行人嗟行人嗟奈君何南風正
高北風起大船初灣小船喜移船更近大船頭不
獨風沙夜可憂但祝行人好心事長江何處是安
流茅屋參差數株柳時平尚置官軍守青裙老嫗
說鮮魚白髮殘兵賣私酒魚賤可買酒可沽他人
心事知何如

何郎失鏡詞

團團如月不曾虧家人親置枕中時朝朝將正頭
上憤時時携鑷鬢這然古文宛轉何人造失來始
覺今難討街頭不直半緡錢古銅終較今銅好向
人不敢再三尋客裏空疑同舍心萬里相隨一朝
別夜夜還瞻天上月

贈青城侯尊師次人韻

聞說名山采藥蹤多從雲去少人逢蜀江春老歸
難定燕谷寒來聖轉濃案上僊經新長蠹匣中雄
劍奮降龍不知少日尋真處還在青城第幾峰

贈友

天道有恒運君子縮其常時物自熙洽庶心亦惟
康鄙人寬慮思殊氣冒陰陽霜霰中夏零焉得不
摧傷先聖有遺訓孟氣戎方剛懿彼老氏言書齋

示存亡反躬寔明哲觀色屢迴翔正德謠云割草
欲乃非祥茹鬻壘空明不足掄景光勿謂徑寸垂
不足載春芳推餘暨昏朝懷我安能忘

曉出順承門有懷大虛

步出城南門張望江南路前日風雪中故人從此
去

京城間居襟言八首

都城列萬雉樓觀並飛霞太液深蕩涵廣寒高蹉
我重譯踰萬國流聲竟四遐既寵瑰異才復保勛
舊家忠厚跂行葦明照徹義城永惟

寺子

十五

皇上德世世嚴亨嘉

冀北多良馬漁陽多壯士馬休伏槽櫪壯士習農
器棄棗竟中州朝貢四方至外無烽燧警內有耳
目寄消搖放良時歡樂永不替

皇守邊瀚

濟濟從臣內共共公與侯伊昔從我
海頭荷戈十餘載力戰如已憂寸榮無遺用長智
少淹留勞多必重賞功大靡輕酬意氣相傾動息
深身若浮 天子乘六龍垂衣臨九州茅土亘河
山甲第隘莊馗四海仰光耀出入擁華駟富貴欲
如此寵祿信難侔從軍亦云苦眷言享斯立

朝從獵城南，暮從獵城北。白馬喻飛翰，輕裘如膏澤。塵起知獸駭，風高驗鳥疾。隻箭落雙鶩，千金出俄刻。歸來拜息寵，樂飲過一石。僮奴增意氣，賓客改顏色。常恐文達士，輕薄多瑕適。高門臨廣衢，秋風上荊棘。

朔土高且厚，民勁而彊。榆柳雖弱質，生植益繁昌。桃李大於卷，棗栗充餽糧。誰謂苦寒地，百物莫得傷。青青雲夢竹，宿昔傲雪霜。移植於此庭，不如芥與楊。竹性豈有改，由來非本鄉。

眇眇寒門士，客途困臺城。上無公卿故，下無舊友朋。裘褐不自得，營營四顧裁。診餘但聞號，笑聲日道軒。冤榮節食慎，所欲聊以厚我生。

厚我生

高

親同室，不相喻。矧彼途路

人

真共美，為善樂。莫知與

善鄰

已謂貽子孫，一言易為義。一息

易為仁

叟何以尉心神

哀心驚野草，日疫委鮮腴。嗟哉白楊樹，高高凌玄廬。朝遊車馬中，夕息思故廬。塵紵難為絜，野性非京都。貧賤不自保，焉能慈簪裾。賴有死與生，可齊

賢與愚

去婦詞

江東有一士子留都下三年適娶一貴人女為妻
久乃知其已有妻子矣一夕逃去因託去婦為之
詩非徒欲傳其事抑以示風戒云爾

輕合鮮義終苟容希禮遇遠結萬里昏多為才名
誤始與君結好不知君有婦有女嫁他人俱懷託
蓬莫青青墻下草生死墻下路娟娟道傍華零落
無處所女子失其身何以保貞素既乖百年意百
年誰能度對鏡空悲惜中心良難訴浮萍難為託
一木無兩附棄舊屬新歡新歡漸成故寧當中路
析莫被他人去寧老阿母傷不受他人妬騰身出
房闈兩絕無復顧所願嫁他人甘心西山對

四友詩

四友者廣信王庭鈺良仲臨川李商弼良佐武昌
盧廷鸞子儀同里熊坦從正也李亡已七年餘亦
亡二三年余索居京師每夕夢寐與四友相接傷
其皆賢而無壽又與余為好迺作四友詩一以志
余哀一以樂見其平生云李得年二十二盧二十
九熊三十四王四十有九

三兄負奇偉十四已應門倉卒選閔凶盜賊蔽丘

原衰經從伯父慷慨安其人豪橫劇狼虎瞋目莫

敢干降心相欵密共稱孺子賢時應州縣役調笑

官長尊酬接雖靡監講習日多聞激烈忠憤際委

曲禮法間時平俗益康放志農圃言有集曰浮湖

感龍變音汎鼓見龍見遂陟獻思為鸞古笛振

哀鐵清琴般素絃每傷古人逝送淚尊酒前與我

初識面已誓為弟昆誰謂天不仁中路遂離久察

察昂山阿黝黝硯井泉賓客一以散託夢與招魂

嘉木不叢生猶為造化欺繁霜凋其葉震風蕩其

枝利蟲齧其根飢禽啄其皮豈無雨露滋不得干

雲霓李氏年弱冠博通三氏詞援毫捷飛電吐氣

裂豹矯信如海上潮直若琴上瑟朗如九秋月温

比三春暉志在濟聖賢寧復顧所私一悟生滅理

天地忽若遺君平時一日晨興有數道人叩門謁

意有頃忽奄然死生也勿以為憂既迎謂父母

三其背曰檀無生成遂卒契卯二月也莖時

人萬聲曰佛法本無生成遂卒契卯二月也莖時

能與出初不頽回蚤聞道短折非所悲茫茫後

死者中夜獨連而

武昌故舊中盧生亦奇傑雄才傲當世高韻凌白日

貧賤有相知，富貴莫能折。冠蓋如雲霧，而獨與余
密。大德七年夏，予有長沙役，臨河與余分，攬袂久
嗚咽。知心託生死，誰能此離別。千里竟相從，風波
復炎熱。青天入杯酒，歌嘯中夜激。便欲乘滄溟，超
遙送華髮。行行亦云至，終當與君析。捨棹即長途，
惆悵如求訣。謂余平生懷，時俗莫能達。學不追古
人，終不願有室。還聞起分教，小邑傷蕭瑟。始為賢
者，東邠知遽淪。沒樊山，罷歡讌。赤壁空流月，佇立
想音形。音形一何闊。

親文日凋謝，况我情所鍾。熊子三十餘，亦在九原

詩一

卷一

中。高才祇促齡，積善適為凶。天道不可依，人命如
飛蓬。夢寐常相見，烟若生相從。亦知心不異，矧復
里閭同。始君掾韶學，我心實忡忡。歸來已三年，微
疾竟永終。薄祿不救飢，一官非高崇。獨令君子亡，
碧血冷秋風。鄰曲思愛絕，山川談咲空。名家失金
匱，樗櫟入公宮。誰復繼粹溫，徒用想春容。千秋壠
山路，繚繞劔池東。

賦雙陸

三五對衆差，高呼得采時。猶疑雙出早，每恨獨歸
一。散地偏難入，全功或誤奇。極知妨日力，聊足審

安危

泊安慶時再北游

夜泊淮西郡寒生客子衣酒家臨岸閑野燒暎江
飛雲盡月初出潮平風漸微前年城下路此際正
南歸

漁父

夫前撒網如飛輪婦後搖舫青衣裙全家託命烟
波裏扁舟為屋鷗為隣生男已解安貧賤生女已
得供炊爨天生四畧作田園不教衣食看人面男
大還娶廩家女二大還作廩家婦朝二骨內在眼
前年二生計大江邊更願官中減征賦有錢沽酒
供醉眠雖無餘羨無不足何用世上千鍾祿

高郵城

高郵城二何長城上種麥城下種桑昔日鐵不如
今為耕種場但願千萬年盡四海外為封疆桑陰
陰麥茫二終古不用城與隍

濟州初度

辭家計日逢初度逢日暄風在帝京曉起慈親
望天北行人初泊濟州城

楊柳青詞

楊柳青青河水黃。河流兩岸葦籬長。河東女婿河
西郎。河西燒燭河東光。日日相迎葦檐下。朝朝相
送葦籬傍。河邊病叟長回首。送兒北去還南走。昨
日臨清賣葦回。今日販魚挑花口。連年水旱更無
蠶。丁力夫徭百不堪。惟有河邊守墳墓。數株高樹
曉相象。

雜詩四首寄彭通復

日月麗中天。列宿爛昭昭。河漢高且深。烏鵲以為
橋。寒霜昨夜降。時菊委嘉苗。地勢西北雄。終歲皆
風颭。玄工宰萬物。時至有榮消。常恐光景馳。不得

卷之一

七

與消搖

區區九州內。橫從數千里。誰設山與河。愚者分表
裏。京師天下本。萬國赴如水。珠犀從南來。狗馬由
西止。浩浩荆吳船。日夜行不已。生材無定所。一物
孰非已。皇天仁且廣。君道亦如此。我思古唐虞。當
日誰共理。

巢由伏箕頽。園綺居商頽。澆耳甘自絮。茹芝竟不
還。三傑足為理。五臣安可攀。高尚誠所貴。孔轡美
獨環。吾聞有隱淪。多在衡霍間。斂牛腹長飢。百結
婁以寒。懷寶羞自獻。澌然老空山。

脉脉我所思
彭氏躡遐蹤
婉婉若處子
未嘗出房櫳
相望四千里
踰年闕相從
五月君寄書
九月達京中
我書欲報君
書到歲已窮
豈不懷繾綣
無由覲君容
衆差天際雲
縹緲乘翔風
羽翼不吾施
翩彼南飛鴻
君有高世行
我無適時功
天命人得違
出處諒非同

栢堂詩

栢堂為劉母熊夫人作也
夫人有淵德年二十五而寡守志不嫁有子曰觀又賢作堂以奉其母請名于太史氏謂之栢堂而作是頌

鬱彼北堂言樹其栢其栢
巍巍維木之特栢之始生于彼高陵
雨露其凝金石其貞栢之既成鳳臆鸞鷹言樹斯庭
霜雪是憑雪霜浩浩其栢矯矯有美君子而弗偕老
其葉藥藥其節桓桓其居安安永世式觀我堂
既構我栢既茂天錫眉壽保艾爾後



